

**TEKS UCAPAN
YB MENTERI KERJA RAYA**

**MALAM PENGHARGAAN MEDIA KEMENTERIAN KERJA RAYA (KKR)
DAN
ANUGERAH MEDIA PEMBINAAN CIDB 2018
(KUCHING, SARAWAK)
20 OKTOBER 2018**

Selamat Sejahtera,

(Salutations)

Para hadirin sekalian,

1. Pertama saya ingin mengalu-galukan kehadiran wakil-wakil media dan mengucapkan terima kasih di atas kehadiran tuan/puan pada malam Penghargaan Media Kementerian Kerja Raya (KKR) dan Anugerah Media Pembinaan CIDB 2018. Untuk makluman rakan-rakan media di Sarawak minggu lepas penganjuran yang sama untuk Malam Penghargaan Media dan Anugerah Media Pembinaan CIDB 2018 di Kota Kinabalu, Sabah telah berjalan dengan mediahnya dan pada malam ini kita meraikan pemenang-pemenang anugerah di Kuching Sarawak.

2. Tahun ini merupakan tahun keempat Kementerian berjaya menganjurkan Malam Penghargaan Media bersama-sama pengamal media. Kementerian berhasrat untuk meraikan semua pengamal media yang selama ini banyak memberi sokongan kepada kementerian ini serta agensi di bawah Kementerian ini. Saya mengharapkan kementerian dan media terus bekerjasama dan saling berinteraksi dalam menyebarkan maklumat kepada rakyat. Sebaran yang jelas mengenai pembangunan halatuju infrastruktur negara kepada rakyat.

3. Kementerian Kerja Raya bersama 6 agensi di bawahnya telah menggembeng kepakaran dan tenaga untuk memastikan pembangunan dari segi teknologi, inovasi dan modal insan diangkat sebagai Key Performance Indicator (KPI). Program dan inisiatif ini pula dilaksanakan melalui Program Transformasi Industri Pembinaan (CITP) yang merupakan pelan transformasi sektor pembinaan bagi tempoh 5 tahun bermula tahun 2016 hingga 2020. Terdapat 4 teras strategik utama dalam CITP iaitu Kualiti, Keselamatan dan Profesionalisme; Kemampunan Alam Sekitar; Produktiviti dan Pengantarabangsaan, yang akan mentransformasikan industri pembinaan ke arah industri yang lebih produktif, mampan, selamat, berkualiti, profesional dan berdaya saing di peringkat antarabangsa.

4. Di bawah CITP ini, pelbagai program sedang dan akan dilaksanakan dan ianya memberi ruang kepada penggiat industri pembinaan untuk bergiat aktif dalam bidang seperti Industrialised Building System (IBS), Building Information Modelling (BIM) dan pembangunan tenaga kerja mahir melalui program Technical Vocational Education Training (TVET). Di sini peranan para media dimohon untuk menulis banyak artikel berkaitan

pemodenan industri infrastruktur negara termasuklah pembinaan Lebuhraya Pan Borneo yang sedang rancak dilaksanakan. Ingin ditegaskan media massa memainkan peranan penting bagi menyampaikan maksud kerajaan kepada rakyat dan peranan media sebagai lidah rakyat juga tidak disangkal lagi. Kementerian dapat mendengar apa yang dimahukan oleh rakyat melalui hubungan dua hala seperti ini. Tidak dilupakan media-media online yang memiliki pengaruhnya yang tersendiri kepada golongan muda. Segala pandangan daripada gen Y yang baik mungkin boleh ditimbang dari sudut positif dan negatif dapat digunapakai dalam mengubal sesuatu peraturan untuk menstruktur pembangunan negara. Semua ini berhubungan di antara satu sama lain ibarat KKR dan Media.

Para hadirin sekalian,

5. Pada tahun ini juga KKR masih meneruskan Anugerah Media Pembinaan CIDB 2018 buat kali keempat. Untuk semua kategori pemenang pertandingan akan menerima sijil penyertaan dan wang tunai termasuk trofi. Setiap kategori ini hadiah pertama wang tunai yang bakal dibawa pulang ialah sebanyak RM5,000, manakala untuk pemenang kedua bakal membawa pulang sebanyak RM3,000 manakala untuk tempat ketiga bakal membawa pulang wang sebanyak RM2,000.

6. Saya ingin mengucapkan terima kasih di atas penyertaan para media Sarawak. Penyertaan amat memberangsangkan iaitu sebanyak 45 penyertaan. Untuk media cetak CIDB menerima 27 penyertaan diikuti media elektronik sebanyak 10 dan bagi fotografi CIDB menerima 8

penyertaan. Saya rasa menyertaan untuk fotografi ini sedikit, rasanya banyak gambar-gambar bangunan dan infra yang cantik-cantik di Sarawak, jadi saya menyeru kepada jurugambar-jurugambar untuk mengambil moment yang indah berkaitan infra yang saya lihat ada pada setiap sudut di Sarawak. Dengan bangunannya yang cantik, banyak jambatan-jambatan yang baru dibina dan ambillah peluang yang ada ini. Mana tahu tahun depan anda menang.

Para Hadirin sekalian,

7. Saya amat berharap majlis ini dilihat sebagai medium untuk mengeratkan hubungan silaturrahim, saling kenal mengenali, bertukar-tukar fikiran dan mengembangkan idea bagi mengenalpasti pendekatan yang lebih berkesan dalam usaha KKR berhadapan dengan cabaran pada masa kini. Anda adalah sebahagian daripada kami.

8. Akhir sekali saya ingin mengucapkan tahniah dan syabas kepada urusetia program Malam Penghargaan Media Kementerian Kerja Raya (KKR) Dan Anugerah Media Pembinaan CIDB 2018 kerana berjaya menganjurkan program ini dengan baik sekali. Tidak lupa juga kepada semua rakan-rakan media terima kasih di atas kehadiran tuan/puan. Selamat menjamu selera dan selamat malam.

Sekian, terima kasih.